



中國古典文學基本叢書

中華書局

劉克莊集箋校

第四冊



中國古典文學基本叢書

劉克莊集箋校

第四冊

〔宋〕劉克莊 著
辛更儒 校注

中華書局

劉克莊集箋校卷二〇

按：本卷詩，起寶祐元年（一二五三）癸丑秋，迄二年夏，提舉官觀家居諸作。

詩

壽計院族兄〔二〕

晏溫全不似霜天，開遍芙蓉蜀錦鮮。昔我父兄慳上壽，今君翁媼各稀年。清狂尚欲簪花舞，答颯無端據稿眠。聞道日邊消息好，除書斷在一陽前。

【箋注】

〔二〕計院族兄，本書卷九五劉尚書集序：「故詹事尚書文肅劉公集三十卷。……公諱榘，子燁叔，倉部郎中，附叔，太府寺丞，皆前卒。燁叔，計院兄也。」宋詩紀事補遺卷七〇：「劉燁叔字用齋，莆田人，文肅公榘子，累知邵武軍邵武縣，差監審計院，官大理寺丞。淳祐中知連州，官至朝奉。」

大夫。見陳必復齋集、廣東通志。按：復齋集卷二通判贈金紫光祿大夫劉公墓志銘：「公諱詢直，字子浩，其來自富沙，今城北一畝之居猶是五季時楹棟。……子男四人：杲故不仕，桀，故太中大夫工部尚書兼太子詹事，徽猷閣直學士，累贈少保。……孫男九人：……燧叔，宣教郎前知邵武軍邵武縣，主管學工事。」南宋館閣續錄卷八亦載劉桀字仲則，興化軍莆田人。

陳倩調真陽尉奉臺檄攝潮陽尉小詩將別

〔二〕

相闕白眉子，吾家坦腹郎。莫貪鳶霧裏，小住鱸溪傍。粵橐無卷石，韓祠有瓣香。兩翁各鍾念，安訊托風檣。

【箋注】

〔二〕陳倩，即陳琰。真陽，即廣南東路英德府真陽縣。按：據首句，陳琰即莆田宰相陳俊卿諸孫。

挽李秘監遇^(一)

初與游楊事伊洛，後聞王魏起并汾^(二)。空令蟠結千年恨，難掩光芒萬丈文。兒似福郊傳舊學，友爲子厚志新墳。身今獨老西河上，欲束生芻隔暮雲。

【箋注】

(一)題，李秘監遇，淳熙三山志卷三：「嘉定七年甲戌袁甫榜，李遇字用之，侯官人，葵之曾孫，榕、桐之侄孫，泳之侄，冲之子，公升之弟，歷監察御史、秘監。」按：南宋館閣續錄不載李遇事迹。其生平事歷，可參本書卷一六五秘書少監李公墓志銘。

(二)初與二句，游楊，二程門人，即游酢、楊時。王魏，唐初名臣，與房杜齊名，即王珪、魏徵。

挽林武博二首^(一)

郭令科名翁冠絕，董生制策子蟬聯^(二)。向來景行珠林老，西山葬珠林阡^(三)。末後冰銜玉局

仙。食肉恨公非燕頤^②，冲霄從古要鸛肩^③。可憐閒袖功名手，僅駕朱轡楚澤邊。

二

疇昔論交四十霜，知公出處我尤詳。召來空賞凌雲賦，麾去全疏偃月堂。近寄麗萼憐老病，忽吟楚些隔存亡。從今野叟凝塵几，無復三溪字數行。

【校】

①「策」，原作「冊」，據清醉經閣本改。

②「頤」，原作「額」，據四部叢刊本改。

【箋注】

（二）林武博元晉，淳熙三山志卷三二：「紹定五年壬辰徐元杰榜，林元晉，字德父，貫興化軍，寄居長邑，伯成之子，前武學博士。」本書卷一三九有林元晉祭文。

（三）「景行」句，真德秀西山文集卷一七辟林司戶充浦城北尉狀：「浦城上五鄉爲福建襟喉之地，民俗獷悍。創闕之初，必得材識之士，方能斟酌利病，爲之經始。今來兩司欲選辟一次，踏逐到迪

功郎新建昌軍司戶參軍林元晉，奮身上庠，篤學有守，明敏詳練，允爲應變之材。且嘗從父兄歷仕江淮，諳識兵民利病，使之任上件差遣，必能稱職。欲望聖慈差林元晉充建寧府浦城縣北尉兼遷陽鎮煙火公事，其於警捕之寄，誠非小補。」珠林，本書卷一六八西山真文忠公行狀謂西山葬於浦城縣南十五里珠林。

〔三〕燕頤，鳶肩，皆異相。後漢書卷七七班超傳：「相者指曰：生燕頤虎頸，飛而食肉，此萬里侯相也。」同書卷六四梁冀傳：「冀字伯車，爲人鳶肩豺目。」注：「鳶，鴟也。鴟肩上竦也。豺目目豎也。」

送胡叔獻被召二首〔二〕

君去閩山亦動容，即今歲儉更民窮。有豺當道憑誰問？無鳳鳴陽恐國空。莫放欽夫歸嶽下，豈容子駿久京東？傳聞玉座籌邊急，頗牧何妨在禁中〔三〕！

二

解瑟於今又再秋，弓旌所致總名流。積輕曾覆祁公鼎，偏重能翻涑水舟〔三〕。袖裏彈文差

快意，局傍觀弈尚私憂。信庵丞相如通訊，爲說狂生霜滿頭。

【箋注】

(二) 胡叔獻，宋史卷四一六胡穎傳：「胡穎字叔獻，潭州湘潭人。父璵，娶趙方弟雍之女。二子長曰顯，有拳勇，以材武入官，數有戰功事，見趙范傳。穎自幼風神秀異，機警不常，趙氏諸舅以其類己，每加賞鑑。成童即能倍誦諸經，中童子科。復從兄學弓馬，母不許曰：「汝家世儒業，不可復爾也。」遂感勵苦學，尤長於春秋。紹定三年，范討李全，檄穎入幕。穎常微服行諸營，察衆志嚮歸，必三鼓。後全敗，遣穎獻俘於朝，以賞補官，五年登進士第，即授京秩。歷官知平江府兼浙西提點刑獄，移湖南兼提舉常平。……以樞密都承旨爲廣東經略安撫使。……移節廣西，尋遷京湖總領財賦，咸淳間卒。」按：右詩中信庵丞相，謂趙葵，方子，范弟。

(三) 頗牧句，舊唐書卷一七七畢誠傳：「懿宗召學士對邊事，誠即援引古今，論列破羌之狀。上悅曰：「吾方擇能帥安集河西，不期頗、牧在吾禁署，卿爲朕行乎？」」
(四) 積輕二句，祁公，即杜衍。涑水，即司馬光。

趙禮部和余梅花十絕送林錄參，微而婉，哀而不怨。雜之

萬如詩中，殆不可辨，老拙不敢當也，別課一詩以謝。

更無一點澆鉛華，狀出冰枝慘玉葩。十絕頓令儂北面，萬如元住子東家。自羞貧女釵邊朵，難傍宮人額上花。縱使朔風如鐵勁，未妨雪月照槎牙。

【箋注】

〔二〕題，瀛奎律髓卷二〇引右詩，方回有跋語云：「禮部當是趙時煥，寓居泉州。林錄參當是林觀。後四句有所諷：『自羞貧女釵邊朵』，言詩之淡者，難傍宮人。『額上花』，言詩之豔者。『北風雪月』二句，以喻夫臨患難而不可奪也。然後村詩未爲全淡，蓋出處之際，亦似未然。萬如居士李綽字伯玉，李雲龕之子，朱文公作墓志，稱其有文十卷，梅百詠，寓泉州。後村初爲石塘林同，林合賦梅花百絕，未知有萬如詩。後見之，乃謂萬如詩如漢宮洞簫、梨園羯鼓，用事精切，下字清新，音節流麗，有二宋、王仲至、晏叔度之風，惜其太脂粉，視陳簡齋便自邈然。後村又自謂所賦如樵歌牧唱，妍詞巧思，不及李遠甚。即此詩五六意也。然以予觀之，梅花詩清瘦瀟灑，近年莫

如尤延之，雖楊誠齋、陸放翁，亦頗浮肥矣。後村之言良是，其詩未臻乎奧地也。」按：宋詩紀事卷八五：「趙時煥字元晦，晉江人，魏王九世孫。嘉定十二年進士，官廣東運判。」八閩通志卷六七泉州府良吏：「趙時煥字元晦，晉江人，宗室子。幼有俊譽，嘉定中第進士，再調長溪尉，奸惡悉奔他境，號稱神明。闕湖湘帥幹，一夕訛傳北兵至，官民皆欲潰，時煥處之如常，人心以安。除太社令，遷太常寺□，輪對，首論崇公道，次極君子小人之狀，改禮部郎中，知撫州。初，州軍悍甚，自時煥到官迄代去，無敢嘩者。除廣東轉運判官，罷覆稅，禁貪污，聞者悚然，卒於官。」林觀，八閩通志卷三三載泉州錄事參軍有林觀，又見乾隆福建通志卷二三，應即此人。

諸人頗有和余百梅詩者，各賦一首

詩至山中不可加，直將幽澹掃穠華。寧依處士墳前竹，不愛都人擔上花。老子騷魂常住世，郎君吟筆又名家。遙知丈室無天女，紙帳香篝瘦影斜。趙監簿志仁（二）。

二

字字追還水部公，篇篇壓倒後村翁。可憐和靖拘香影，更笑花光著色空。自許鐵心堅晚

節，渠能粉面向春風？
菁華落盡惟枯槁，賴有何郎嗜好同。何謙^(三)。

三

詩境千梅匝草堂，參軍今又課梅忙。
懸知句子追羣謝，每見鄉人說季方。
處士骨寒誰洗髓？老夫鼻塞尚聞香。
請君摘出驚人語，玉笛橫吹入樂章。鮑^{①(三)}。

四

百首初成六十餘，朝塗暮改費居諸。
誰將綵筆傳於子？人怪青春小似余。
一笑拈花差易耳，三年刻楮欲何如？
梅兄樗叟俱枯槁，總把風光義讓渠。方監鎮楷^(四)。

五

盤屈高才入短章，卷中字字挾冰霜。
直探寶藏珠盈掬，倒瀉金莖露浣腸。
鐵笛一枝橫夜月，冰肌三舍避天香。^②
妙年早去吟薇藥，莫共儂爭寂寞鄉。
王教景長^(五)。

六

方扃北戶逃生客，忽折南枝寄病翁。雪裏騎驢非俗格，茶邊放鶴有家風。寫真影過於形好，鑿竅香來與鼻通。不敢袖歸防電取，殷勤返璧錦囊中。三山林天麟〔六〕。

七

貧兒籬下看花窠，曾見千株玉雪麼？畫得逃禪三昧少，詩如無住一聯多。過時結實心猶苦，從古調羹味在和。我坐聳肩窮到老，君肩欲聳又如何？〔方至貢元〕〔七〕。

八

出香影外別商量，盡擷精英發秘藏。難把微酸諧衆口，只消一白賽宮妝。却疑彼相調金鼎，未召斯人試玉堂。便好去供春帖子，君才何止倍秦郎？〔方蒙仲制幹〕〔八〕。

九

每抱懷中玉雪如^③，吳霜不覺點虬鬚。生三槐裔皆當貴，爲六梅孫莫太懼。丞相作六梅

亭^{〔九〕}。
抹黛村眉慚醜怪，約黃官額費妝塗。
南園樹老花零落，還許鄒枚訪舊無？
官^{〔十〕}。
陳珽判

【校】

- ①小注，原失名，據四部叢刊本補此一字。
②「冰肌」，四部叢刊本作「水沈」。
③「每」，原作「姆」，據四部叢刊本改。

【箋注】

〔二〕趙監簿志仁，南宋館閣續錄卷七秘書丞景定以後：「趙時願字志仁，玉牒。紹定五年徐元杰榜進士及第，治詩賦，四年四月除。」志仁亦莆田人。

〔三〕何謙，字光叔，莆田人，本書卷一六四有我軒何君墓志銘。

〔三〕鮑，名籍事歷不詳。

〔四〕方監鎮楷，方楷，字敬則，莆田人，見本書卷一一〇跋朱文公書一軒二字。

〔五〕王教景長，王景長，本書卷一〇六跋郡學刊文章正宗謂郡文學王君刻此書於莆田，又謂王君名

庚，字景長，溫陵人。乾隆福建通志卷二三載興化軍學教授有王庚，謂寶祐間任。同書卷三五載淳祐元年辛丑徐儼夫榜進士有晉江縣王庚。李昉英文溪集卷一三詩題爲「肇慶府倅王庚應平反廣府冤獄，詩以紀其事」。知其後來仕至肇慶府通判。

〔六〕三山林天麟，未詳。

〔七〕方至貢元，字善夫，本書卷一八有送方至赴漕試之詩。其魁鄉試，則僅見於此。

〔八〕方蒙仲制幹，即方澄孫，爲淮西制置司幹官。

〔九〕小注，文天祥文山集卷一題陳正獻公六梅亭詩：「相府亭前梅六株，四圍香影護琴書。月華猶帶玉堂色，風味曾分金鼎餘。五柳門前空寂寞，三槐堂上竟蕭疏。惟渠不變凌霜操，千古風標只自如。」正獻謂陳俊卿。

〔十〕陳珽判官，本書卷九有答陳珽主簿詩，卷一〇有送陳戶曹之官襄陽詩，自注珽。

又答袁卿相子一首

百篇端可補詩亡，形穢何堪在玉傍？方亭蘿山尤覺豔，人旃檀國不知香。一枝我欲簪蓬葆，七字君宜和柏梁。卧雪家風要人繼，莫因搖落便淒涼。

題戴貢士詩卷

新吟亶亶來相逼，華胄遙遙請具陳。
安道晉時名處士，叔倫唐世老詩人。
百家衣莫勞針指，九轉丹能蛻肉身。
肯訪柴門衰老叟，愧無薄具可留賓。

送葉尚書赴永嘉二首

洛蜀紛紛孰是非？孤忠惟上與天知。
何曾後世無公論，不願明時有黨碑。
去奉繡簾差足喜，來調金鼎未爲遲。
鈴齋一棧柑香起，細聽中和樂職詩。

二

曾繫金絨扈屬車，田間訪舊尚勤渠。
都忘森戟臨方岳，但記燃藜共直廬。
謝守吟來誰繼者，洛英老去各何如？
山林深密江湖遠，相見煩公問起居。

【箋注】

〔葉尚書赴永嘉，葉尚書名大有，南宋館閣續錄卷九正字嘉熙以後：「葉大有字謙夫，興化軍仙遊縣人，紹定五年徐元杰榜進士出身，治春秋。二年七月以太學博士召試，八月除，三年十月爲校書郎。〕乾隆福建通志卷四四：「葉大有字謙夫，仙遊人。紹定初以春秋應鄉試，省試，皆第一。授英德府教授，秩滿除國子學錄，輪對指陳國計，爲理宗所知。歷著作郎，除右正言，疏論儲嗣紀綱人材爲國家命脈，遷左司諫，奏抑內降保直臣，罷外戚授官，遷殿中侍御史，奏惜名器、惜民命、惜財力、惜天時四事，轉侍御史，獻備邊三事，薦浙東憲臣蔡抗可大任，遷右諫議大夫，除刑部尚書。以母病力辭，理宗累札褒留，以寶章閣知温州。母歿，哀毀而卒。〕弘治温州府志卷八：「葉大有，淳祐十二年。」按：宋史全文卷三四載淳祐十年侍御史葉大有同知貢舉，資治通鑑後編卷一四三載淳祐十二年六月崇政殿說書徐霖疏攻葉大有陰柔奸黠，爲羣儉冠，不宜久長臺諫，疏人不報事，知淳祐十二年葉大有在右諫議大夫任上，方遭論攻，而理宗佑之，故又有尚書之除。右詩第一首前四句正言此事。其知温州，自應在寶祐元年秋，温州志所載年歲有誤。

詠瀟湘八景各一首^(二)

遠浦帆歸

極目無邊際，惟天與水連。
煙中帆幾點，若箇是君船？

平沙雁落

背冷來趨暖，雖微善自謀。
如何纔得意，飛去不迴頭？

山市晴嵐

曉霧輕輕綃捲，嵐光抹黛新。
蕭條數家聚，三兩趁墟人。

漁村夕照

估客繫征纜，漁家收釣筒。
何妨千嶂黑，猶作半江紅。